

ՀԱՅ-ՎՐԱՑԱԿԱՆ ՀԱՐԱԲԵՐՈՒԹՅՈՒՆՆԵՐԸ 1921-1922 թթ.<sup>\*</sup>

ԳՐԻԳՈՐ ԲԱԼԱՍԱՆՅԱՆ

1918 թվականի մայիսի 26-ին Անդրկովկասյան Սեյմը լուծարվեց և մայիսի 28-ին Հայաստանը հրչակվեց անկախ հանրապետություն: Հայաստանի Հանրապետության արտաքին քաղաքականության կարևորագույն խնդիրներից մեկը անմիջական հարկաների հետ հարաբերությունների կարգավորումն էր: Պատմականորեն ձևավորված և ցարական տիրապետության ժամանակներից ժառանգություն մնացած ազգային տարածքային-սահմանային և այլ վեճերի պատճառով փոխադարձ անվտանգություն կար թուրքայի, Աղրեջանի և Վրաստանի հետ հարաբերություններում: Հայ-վրացական բարեկամական սերտ հարաբերությունների հաստատմանը խոչընդոտում էին տարածքային-սահմանային վեճերը: Վրաստանը ծգություն էր իր կազմում պահելու լորու և Արևադարձի հայկական գավառները, որոնք Ուստական կայսրության իրականացրած ոչ ճիշտ վարչատարածքային բաժանման հետևանքով մտել էին Թիֆլիսի նահանգի մեջ[1]: Այդ վեճերի արդյունքում 1918 թվականի դեկտեմբերին տեղի ունեցավ կարճատն հայ-վրացական պատերազմ: Հարցը լուծելու համար 1919 թվականի հունվարի 9-17-ը Թիֆլիսում Անտանտի ներկայացուցիչների նամակցությամբ հրավիրված հայ-վրացական հաշտության կոնֆերանսում Լոռին հայտարարվեց «չեղող գոտի», որի մեջ մտնում էին Բորչալուի գավառի Ալավերդու, Ռոգոնլարի, Վորոնցովկայի շրջանները:

Կոնֆերանսից հետո Հայաստանի և Վրաստանի միջև բնականոն միջակետական հարաբերությունները վերահստատվեցին, Թիֆլիսում իր գործունեությունը վերսկսեց Հայաստանի Հանրապետության դիվանագիտական ներկայացուցչությունը, վերականգնվեց երկարության երթևեկությունը, տարածքային հարցերի վերջնական լուծումը տեղակիությունը Փարիզի խաղաղության վեհաժողովը: 1919թ. մարտի 8-ին Հայաստանը վերաբացեց իր դիվանագիտական ներկայացուցչությունը Թիֆլիսում և Ա. Զամայյանի փոխարեն դիվանագիտական ներկայացուցիչ նշանակվեց Ա. Թումանյանը: Դրանից հետո միայն հունիսին Վրաստանը գ. Մախարաձեին նշանակվեց Հայաստանում Վրաստանի դեսպանը[2]:

1920 թվականի գարնանը Հայաստանում իշխող իրավիճակի, հայ-վրացական փոխհարաբերությունների մասին մենք տեղեկանում ենք Հայաստանի Հանրապետության վարչապետ Ակերսանդր Խաստիյանի նամակից, որը նա ուղարկել է Փարիզում Հայաստանի Հանրապետության պատվիրակության նախագահ Ավետիս Միարույնյանին: Նա նամակում գրում է. «Վրաստանի հետ ոեր մեր հողային վեճերը վերջացած չեն, բայց մենք ներկայում ոչ մի հակամարտություն չունենք Վրացիների հետ»[3]:

1920թ. դեկտեմբերի 2-ին Հայաստանում հաստատվեցին խորհրդային կարգեր, և Հայաստանի արաջին հանրապետության տարածքային հիմնախնդիրները փոխանցվեցին խորհրդային Հայաստանին: Խորհրդայանացումը նպաստավոր պայմաններ ստեղծեց Լոռու չեղող գոտու խնդիրը խաղաղ ճանապարհով լուծելու համար: Հայ-վրացական տարածքային վեճերը ծերնտու էին Ուստաստանին, և Մոսկվան կարող էր

\* Հոդվածն ընդունվել է 28.04. 2015:

Հոդվածը տպագրության է Երաշխավորել պ.գ.թ., դոցենտ Ա. Վարդապարյանը:

## ՄԵՐՐՈԴ ՄԱՆՏՈՅ ՀԱՍՏԱՏՄԱՆԻ ԼՐԱՏՈՒ 2015

նրանց օգնությամբ Վրաստանում հաստատել խորհրդային կարգեր: Ծրագրվեց Լուսում բարձրացնել ապստամբություն և միավորել այն Հայաստանի հետ: 1921թ. փետրվարի 11-ին Հովսեփ Լազյանի գլխավորությամբ ապստամբություն բռնկվեց, որը տևեց 3 օր: Փետրվարի 15-ին Լոռին ազատագրվեց և մարզում հաստատվեց խորհրդային իշխանություն: Նոյն օրը Լազյանը 11-րդ Կարմիր բանակի և խորհրդային Հայաստանի ղեկավարությամբ հեռագրեց այն մասին, որ մարզում հաստատվել է խորհրդային իշխանություն և վրացական բանակի մնացորդները գերեվարված են[4]: Պազմական գործողությունների ավարտից հետո վրացական կառավարության անունից Նոյ ժորդանիան դիմեց խորհրդային Ռուսաստանի արտգործքողկոմ Գեորգի Չիչերինին՝ պահանջելով դուրս բերել ռուսական գորքերը և խնդիրը կարգավորել բանակցությունների միջոցով[5]: Այն, ինչ շիածողվեց անել Հայաստանի առաջին հանրապետությամբ, իրականացրեց խորհրդային Հայաստանը՝ Լոռին ընդգրկվեց Հայաստանի կազմի մեջ:

1921 թվականի հուլիսի 7-ին Թիֆլիսում գումարված ՌԿԲԿ կենտրոնի Կովկասյան բյուրոյի պիենումի նիստը, որին մասնակցում էին Ստալինը, Օքոնիկիձեն, Կիրովը, Նարիմանովը, Մյասնիկյանը, Վրաստանի արտգործնախարար Սվանիձեն և Հայաստանի արտգործողկոմ Ասքանազ Մռավյանը, որոշեց Լոռու չեզոք գոտին թողնել ՀՍԽՀ կազմում: Վերջնական որոշումը կայացվեց 1921 թվականի նոյեմբերի 6-ին Թիֆլիսում Հայաստանի ժողովոմխորհի նախագահ Ա. Մյասնիկյանի և Վրաստանի հեղկոմի նախագահ Սրիվանու կողմից: Լոռին, բացառությամբ Հյուսիսային Լոռու մի շարք հայկական գյուղերի՝ Աղ-Քյորիի, Օփերեթ, Խոժոռնի և այլն, մնաց խորհրդային Հայաստանին, Ախալքալաքի, Ջավախի հարցը լուծվեց հօգուտ Վրաստանի:

1921-1922թ. քաղաքական հարաբերություններից բացի գյուղուն ունեին նաև ակտիվ առևտրատնտեսական հարաբերություններ: Նշենք նաև, որ Վրաստանում դեռևս 1920 թ. դեկտեմբերի 27-ին Խորհրդային Հայաստանի լիազոր ներկայացուցիչ էր նշանակվել Դանուշ Շահվերդյանը: Այդ մասին հայկական կողմը հաստիկ նամակ էր ուղարկել Վրաստան[6]:

Հայաստանի համար Վրաստանի հետ բարիդրացիական հարաբերություններ պահպանելը կարևոր էր այն առումով, որ ՀՍԽՀ իշխանություններն այլ երկրների հետ ապրանքափոխանակության համար կարող էին օգտագործել Վրաստանի սևծովյան նավահանգիստները և բերները առանց դժվարության տեղափոխել Երևան: Վրաստանի հետ հարաբերություններն ակտիվացան միայն 1921 թ. փետրվարից հետո, երբ այնտեղ հաստատվեցին խորհրդային կարգեր: Մինչ այդ վրացական իշխանություններն անընդհատ արգելքներ էին հարուցում և թույլ չին տալիս՝ իրենց տարածքով անցնի Ռուսաստանից և Աղրբեջանից դեպի Հայաստան ուղարկվող հացահատիկը և այլ առաջին անհրաժեշտության բերներ: Վրաստանի իշխանությունները իրենց այդ քայլը պատճառաբարում էին այն փաստով, թե իրը երկաթուղային գծերի վրա ծյան հաստ շերտի առկայության պատճառով հնարավոր չէ կազմակերպել երկաթուղու աշխատանքը դեպի Հայաստան, սակայն սրան անմիջապես հետևում է ՀՍԽՀ արտգործողկոմ Ա. Բեկգաղյանի առաջարկը՝ թույլ տալ, որպեսզի հայերն անցնեն Վրաստանի հողը՝ ծյան շերտերը մաքրելու համար[7]:

1921 թ. հունվարի 12-ին ՀՍԽՀ արտգործողկոմ Ա. Բեկգաղյանը հեռագիր է ուղարկում Վրաստանի դեմոկրատական հանրապետության արտաքին գործերի նախարարություն, որով բողոք է հայտնում այն մասին, որ Վրաստանը արգելում է իր տարածքով Հայաստանի համար բերների փոխադրումը: Նա նշում է. «Աղրբեջանում մեր ներկայացուցիչ հաղորդագրության համաձայն այնտեղ Հայաստանի համար պատ-

## ՄԵՐՐՈԴ ՄԱՆՎՈՅ ՀԱՍԱՍՏԱՐԱՆԻ ԼՐԱՏՈՒ 2015

րաստ կանգնած են հացահատիկով և վարելիքով բեռնված վագոններ: Սակայն մինչև հիմա Զեր կառավարությունը չի տվել իր համաձայնությունը այդ վագոնները Վրաստանի տարածքով անցկացնելու համար: Չնայած նրան, որ Զեր կառավարությունը դեռևս 1920 թ. թեկտներերի 4-ին պաշտոնապես հայտնել է Վրաստանում ՌՍՖՌՀ-ի լիազոր ներկայացուցիչ Ծեյմանին այն մասին, որ տրամադրում է ՌՍՖՌՀ-ին և Հայաստանին տրամադրությունը իր տարածքով Հայաստան բեռներ փոխադրելու համար»: Ա. Բեկադյանը նաև ավելացնում է, որ փաստորեն Վրաստանը Հայաստանին պարենային շրջակական է ենթարկել: «ՀՍԽՀ կառավարությունը իր վճռական բողոքն է հայտնում այդ առթիվ և Զեզնից սպասում է կոնկրետ քայլերի» [8], - վերջում եզրակական է Ա. Բեկադյանը:

1921 թ. հունվարին Վրաստանում ՀՍԽՀ լիազոր ներկայացուցիչ Դ. Շահվերդյանը հեռագրում է Հային կոմիտեին, որ Վրաստանը համաձայն է պարենով բեռնված մեկ գնացք Աղրբեջանից բաց թողնել Հայաստան, բայց վարելիքի հարցում «կտրականապես մերժել է»: Նա հայտնում է, որ Վրաստանի արտգործնախարար Սարգստարաշվիլին դա «կապում է Աղրբեջանի կողմից Վրաստանին վարելանյութ բաց չթողնելու հետ»[9]:

Արխիվային փաստաթղթերի ուսումնասիրությունը մեզ հիմք է տալիս եզրակացնելու, որ շատ հաճախ Վրաստանի կենտրոնական իշխանությունների հրահանգները չեն կատարվում տեղական վրացական չինովակիների կողմից: Դրա վառ օրինակ է հանդիսանում Վրաստանից Հայաստան եկող գնացքի կոմենդանտի հեռագիրը, որը նա 1921 թ. հունվարի 30-ին ուղարկել էր Վրաստանում ՀՍԽՀ լիազոր ներկայացուցիչ Դանուշ Շահվերդյանին: <Եռագրում նշվում էր, որ Հայաստան եկող իր դեկավարած գնացքը բերում էր 12 վագոն ցորեն, գարի, բրինձ և զանազան այլ ապրանքներ: Սակայն Շահալի կայարանի դեկավարությունը հրաժարվել էր բաց թողնել 3 վագոն՝ չտալով ոչ մի բացատրություն և դրանով խախտելով տրանզիտի վերաբերյալ հայ-վրացական պայմանավորվածությունները: «Խնդրում եմ Ձեզ անհապաղ միջանտելու երեք վագոն ապրանքը բաց թողնելու համար» [10], - գրված է հեռագրի վերջում:

Այս խնդրի վերաբերյալ Դանուշ Շահվերդյանը հետևողականություն է ցուցաբերում, և միջադեպը հարթվում է: Վրացական կողմը համաձայնում է վերադարձնել առջրաված 3 վագոն ապրանքը: Այդ մասին տեղեկանում ենք Շահվերդյանի կողմից 1921 թ. փետրվարի 15-ին Բաքվում ՀՍԽՀ լիազոր ներկայացուցիչ Աթարելյանին ուղարկված հեռագրից: Նշվում էր, որ Շահալիում կանգնեցված երեք վագոն ապրանքը բաց է թողնվել և որ Թիֆլիսում ՀՍԽՀ լիազոր ներկայացուցությունը անում է հնարավոր ամեն ինչ՝ ապագայում այլևս նման բաներ չկրկնվելու համար[11]:

Թիֆլիսում լիազոր ներկայացուցությունից բացի ՀՍԽՀ-ն հյուպատոսարաններ ուներ նաև Բաքումում և Սովորումում: Հատկապես ակտիվ էր Բաքումի հյուպատոսարանը: Կյանքեղ էր գոնվում նաև Հայաստանի տնտեսական ներկայացուցությունը: Թիֆլիսում Հայաստանի ներկայացուցությունը տնտեսական կապեր էր հաստատել Բաքումում գործող «Կովկաս» առևտորային ընկերության հետ, և վերջինս ՀՍԽՀ իշխանությունների պատվերով երկրին անհրաժեշտ ցանկացած ապրանք գնում էր արտասահմանից և տեղափոխում Բաքում, որտեղից էլ Հայաստանի իշխանությունները կազմակերպում էին այդ բեռների տեղափոխությունը Հայաստան[12]:

1922 թ. հունվարի 30-ի Բաքումում ՀՍԽՀ տնտեսական ներկայացուցիչ գրությունում մանրամասն ներկայացված է Բաքումում ՀՍԽՀ տնտեսական ներկայացուցության գործունեությունը և Հայաստանի տնտեսության համար Բաքումի նշանակությունը: «Բաքումը խոշոր առևտորական կենտրոն է, որտեղ խաչվում են Անդրկովկասից,

## ՄԵԽՐՈԴ ՄԱՆՏՈՅ ՀԱՍԱՍԱՐԱՆԻ ԼՐԱՏՈՒ 2015

Պարսկաստանից, Թուրքիայից, Արևմուտքից և Ուսւաստանից եկող տնտեսական հոսանքները»[13], - նշում էր տնտեսական ներկայացուցիչը: Հայաստանը, ըստ նրա, ավելի, քան Անդրկովկասյան մյուս հանրապետությունները, զգում է Բաթումի կարիքը: Առանց Բաթումի հնարավոր չէ Հայաստանի առևտրատնտեսական կյանքի զարգացումը: ՀՄԿՀ տնտեսական ներկայացուցությունը տեղեկություններ էր հաղորդում Բաթումի, արևմտյան և ռուսական մերձծովյան շուկաներում տիրող վիճակի մասին: Տնտեսական ներկայացուցության մյուս կարևոր խնդիրը գաղթականների հարցն էր: Բաթումում գտնվող գաղթականների վիճակը ժայրահեղ ծանր էր, և տնտեսական ներկայացուցությունն ակտիվ գործունեություն էր ծավալում գաղթականներին օգնելու համար:

Խորհրդային Հայաստանը և Վրաստանը ակտիվորեն համագործակցում էին նաև Անդրբեղերացիայի շրջանակներում: Վրաստանի խորհրդայնացումից հետո անդրկովկասյան երեք հանրապետությունների՝ Հայաստանի, Վրաստանի և Աղրբեջանի համար օրակարգային հարց դարձավ միավորումը, որը հետապնդում էր և՛քաղաքական, և՛ տնտեսական նպատակներ: Անդրկովկասի տնտեսական միավորման գործընթացը սկսվեց Երկարուղուց: Պատճառն այն էր, որ Երկարուղին ուներ ռազմավարական նշանակություն, և նրանով բեռների անխափան տեղափոխումը տնտեսական ոլորտում անպայման պիտի հանգեցներ հաջողությունների: Անդրկովկասում Երկարուղու Երկարությունը կազմում էր մոտ 2000 կմ, որի գրեթե կեսը գտնվում էր Վրացական ԽՄՀ-ի տարածքում, այդ իսկ պատճառով Երկարուղու միավորման ջատագովները հիմնականում վրացիներն էին: Մարտի 8-ին Վրաստանի կոմկուսի կենտրոնի և Հեղկոմի միացյալ նիստում որոշում է ընդունվում «ամորգովկասյան հանրապետությունների Երկարգիծը առավել ծիցտ շահագործման և դեկավարման նպատակով անհրաժեշտ մեկ ընդհանուր դեկավարությամբ միավորելու»[14]:

Այսպիսով՝ Անդրկովկասում ամենից Երկար Երկարգիծը և Թիֆլիսում անդրկովկասյան մասշտարի միակ Երկարուղային արհեստանոցները ունենալով, Վրաստանը գերիշխող դիրք էր գրավում Երկրամասում:

1922 թ. մարտի 12-ին հաստատվեց դաշնակցային պայմանագիր Անդրկովկասի երեք հանրապետությունների ներկայացուցիչների մասնակցությամբ հրավիրված կոնֆերանսի ժամանակ, որի արդյունքում հիմք դրվեց Անդրկովկասի խորհրդային Սոցիալիստական Հանրապետությունների Ֆեներատիվ Սիուրյանը (ԱԽՍՀՖՍ): Այս միավորումը ուներ նաև տնտեսական նպատակ, որն առաջին հերթին պետք է իրականացվեր Երկարուղիների ու արտաքին առևտորի միավորումից: Հանրապետությունները միմյանց կապող հաղորդակցության միակ միջոցը Երկարուղին էր, որը գտնվում էր ժայրաստիճան վաստ վիճակում: Դրա պատճառները մի քանիսն էին. նաև և առաջ վարելիքը տրամադրում էր Բաթուն, իսկ վերանորոգման աշխատանքներն իրականացվում էին Թիֆլիսում: Վառելիքի բացակայության կամ գնացքների անսարքության պատճառով Երեւանելությունը Երկարուղով շատ հաճախ չէր կատարվում ըստ նախատեսված գրաֆիկի: Այս խնդիրները լուծելու միակ ճանապարհը Երկարուղիների ցանցի միավորումն էր: Երկարուղային ցանցի միավորումը և Վերը նշված պատճառների վերացումը չէին կարող իրենց դրական ազդեցությունը չունենալ նաև արտաքին առևտորի զարգացման վրա: Եթե շահեկանության տեսանկյունից գուգահեռներ անցկացնենք Անդրբեղերացիայի ստեղծման և արտաքին առևտորի զարգացման միջները և արտասահմանյան Երկրների հետ առևտորի վերաբերյալ բանակցություն-

## ՄԵՐՈՂ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2015

Աերն արդեն սկսվում են տարրել մեկ կետից:

Արտաքին առևտորի միացյալ մարմին ստեղծելու վերաբերյալ 1921 թ. հունիսի 2-ին Բաքվում ստորագրվում է համաձայնագիր անդրկովկասյան հանրապետությունների կառավարությունների նեկավարներ Ֆ. Մախարաձեի, Ալ. Մյասնիկյանի և Ն. Նարիմանովի կողմից: Նոր ծևավորված մարմինն անվանվում է «Վրաստանի, Ադրբեջանի և Հայաստանի միություն՝ արտաքին առևտորի համար», իսկ վերջինիս նաևավայր դարձում է Թիֆլիսը:

Ենելով Միացյալ արտաքստորի գործունեության հետագա բարելավման, ինչպես նաև այդ օրգանի և առանձին հանրապետությունների հարաբերությունների կոնկրետացման անհրաժեշտությունից՝ 1921 թ. նոյեմբերին Թիֆլիսում գումարված երեք հանրապետությունների կառավարությունների ներկայացուցիչների կոնֆերանսը որոշում է փոփոխություններ նշոցնել հունիսի 2-ի պայմանագրի մեջ և այդ մասին առանձին դեկրետ է ընդունում: Դեկրետը, որի տակ ստորագրել էին Վրաստանի Հեղկույն նախագահ Սախարաձեն, Ադրբեջանի ժողովածուների նախագահ Նարիմանովը և Հայաստանի ժողովածուների նախագահ Մյասնիկյանը, բաղկացած էր 8 կետից: Այսուղեա ասվում էր, որ Միացյալ արտաքստորին է վերապահվում արտասահմանյան շուկայում պայմանավորվող հանրապետությունների արտահանության ֆոնդը կազմող բոլոր ապրանքների վաճառքի և այդ հանրապետությունների առանց բացառության բոլոր հիմնարկերի և հաստատությունների համար գննան բացարիկ իրավունքը:

Այս դեկրետի նորույնը կայանում էր նրանում, որ հանրապետությունների համար գնումները պետք է համապատասխանեին նրանց վայրուտային ռեսուրսներին, մինչդեռ հունիսի 2-ի համաձայնագրով գնված ապրանքների բաշխումը պետք է կատարվեր ըստ հանրապետությունների ներկայացրած պահանջների ու ծերնարկությունների հարգածայնության աստիճանի: Նման փոփոխությունն արդյունք էր այն դժգոհության, որ դրանուրել էին հատկապես Ադրբեջանում և մասամբ Վրաստանում՝ բաշխման նախկին սկզբունքի դեմ: Դեկրետը «Միացյալ արտաքստորին» էր վերապահում ընդհանուր դեկավարությունը հանրապետությունների արտահանության և ներմուծման պլանների մշակման, մաքսային քաղաքականության, կոնցեսիաների մասին արտասահմանյան ֆիրմաների և առանձին անձան հետ բանակցություններ վարելու հարցում: Դեկրետում կետեր կային նաև կազմակերպական նախահաշվի, Միացյալ արտաքստորի և բանվորագույղացիական տեսչության ու առանձին ժողովաստների միջև հարաբերությունների մասին և այլն[15]: Իսկ նոյն տարվա դեկտեմբերին անդրկովկասյան հանրապետությունների կառավարությունների կոնֆերանսը որոշում է ստեղծել Օրվնեշտորգը՝ Միացյալ արտաքին առևտորի վարչությունը[16]: Վերջինս օժնված էր Անդրկովկասից ապրանքների արտահանման բացարիկ իրավունքով: Օրվնեշտորգը նաև արտասահմանում կատարելու էր անդրկովկասյան ծերնարկությունների համար անհրաժեշտ բոլոր գնումները: Նա նաև երեք հանրապետությունների համար պետք է մշակեր ներմուծման-արտահանման պյան: Նշում էր նաև, որ ներքին ապրանքաշրջանառության հետ Օրվնեշտորգը ոչ մի առնչություն չպետք է ունենար[17]:

1922 թ. փետրվարին Օրվնեշտորգի կողեզիայի անդամ Բեկզադյանը հեռագիր է ուղարկում Կովկասը, որտեղ գրում էր. «1921 թ. նոյեմբերին Թիֆլիսում կայացած Անդրկովկասյան խորհրդային հանրապետությունների մաքսային կոնֆերանսը որոշել է Անդրկովկասի Եվրոպական (Սևծովան) սահմանի համար միասնական սակագին սահմաննել: Միաժամանակ Կոնֆերանսը որոշել է հանձնարարել Օրվնեշտորգին մաքսային սակագին նախագիծը համաձայնեցնել ՈՍՖԽՀ Արտաքողկոմատի հետ: Դեկտեմբերին Օրվնեշտորգի ներկայացուցիչները Սոսկայում պայմանագիր են ստորագ-

## ՄԵԽՐՈԴ ՄԱՆՏՈՅ ՀԱՍԱՍԱՐԱՆԻ ԼՐԱՏՈՒ 2015

րել, համաձայն որի՝ 1) Ոչ խորհրդային հանրապետությունների և Անդրբերացիայի սահմանների վրա խորհրդային երկրների համար պետք է լինի միասնական սակագին: 2) Մինչև ընդհանուր խորհրդային սակագնի ներդնումը, Անդրբերացիան պետք է ժամանակավորապես իր սակագնը մտցնի: 3) Անդրկովկասյան Կոնֆերանսի կողմից ներկայացված նախագիծը պետք է լրամշակման ենթարկվի, և բացի այդ, պետք է նվազագույնի հասցի անմաքս ապրանքների ներմուծումը: Այսօ Օրվնեշտորդի հատուկ հանձնաժողովում այդ աշխատանքներն ավարտված են: Օրվնեշտորդի Կողեգիան, ներկայացնելով նոր նախագիծ, խնդրում է Կովբյուրոյին նպաստել նոր սակագնի հաստատմանը անդրկովկասյան հանրապետությունների կառավարությունների կողմից: Մինչև ընդունումը Օրվնեշտորդի Կողեգիան խնդրում է Կովբյուրոյին թույլատրել կիրարել նոր սակագնը: Բացի այդ Օրվնեշտորդը խնդրում է թույլատրել աշխատանքներ սկսել նաև Ասիական (Թուրքիա և Իրան) սահմանի համար նոր սակագնն մտցնելու ուղղությամբ»[18]:

Այնուամենայնիվ, պետք է նշել, որ նշված հեռագրին Կովբյուրոյի պատասխանը Հայաստանի ազգային արխիվում հայտնաբերել չհաջողվեց:

Արտաքին առևտուրը միացնելուն գուգման անհրաժեշտ էր մշակել միասնական մաքսային քաղաքականություն ինչպես եւլուսական, այնպես էլ պարսկական ու թուրքական շուկաների հետ հարաբերությունների համար: Դրան էր միտված հոկտեմբերի 26-ին Թիֆլիսում կայացած մաքսային խորհրդակցությունը, որը հրավիրվել էր միացյալ արտաքստրի նախաձեռնությամբ: Մասնակցում էին միացյալ արտաքստրի կողեգիայի նախագահ Ռաֆինովիչը, անդամներ Կողոմյացն ու Մեդիչին, Անդրկովկասում ՌՍՖՌ արտաքին առևտուրի ժողկոմատի ներկայացուցիչ Բրեսլավը, Վրացական ԽՍՀ ֆինմունատի ներկայացուցիչներ Ալշիրայան և Միքածեն, Արդբեջանական ԽՍՀ-ից՝ Հաջիկը, Գոլովինը և Լեբեճկը, ՀՍԽՀ-ից՝ Ա. Բեկզադյանը և Աբրահամյանը, ՌՍՖՌ Ենթորոտյուգից՝ Դյատկինը, ինչպես նաև հրավիրված մասնագետներ[19]:

Տնտեսական համագործակցության արդյունքներն անփոփեցին, և հետագա անելիքները նախանշվեցին 1921 թ. օգոստոսի 12-14-ը Թիֆլիսում գումարված Կովկասյան երկրամասային կուսակցական առաջին խորհրդակցությունում, որի աշխատանքներին մասնակցում էին նաև արհմիությունների և կարմիր բանակի ներկայացուցիչները[20]: Այդտեղ Գ. Օրջոնիկիձեն մասնավորապես շեշտեց այն պարագան, որ Կովկասը տնտեսական տեսանկյունից իրենից ներկայացնում է «միասնական ամբողջական ու անբաժան կազմակերպություն»[21]: Այս տեսակետները բոլորին չեն, որ բավարարում էին: Անդրկովկասյան հանրապետությունների տնտեսական միավորմանը դեմ էին Մոդիվանին և նրա համախոհները: ՈԿ(թ)Կ Կենտկոմ գրած նամակում, կաևկածանք հայտնելով տնտեսական միավորման արդյունավետության հարցում, նրանք հայտնում էին, որ միասնական մարմնի ստեղծումը կառաջացնի կազմակերպչական խառնաշիռը և կնպաստի հակահեղափոխական ազգայնական ուժերի ամիսն:

Բ. Մդիվանին, 1923 թ. մարտի 19-ին ելույթ ունենալով Անդրկովկասի կոմունիստական կազմակերպությունների երկրորդ համագումարում, տնտեսական միավորման հարցի մասին խոսելիս արտահայտում է այն միտքը, թե տնտեսական տեսակետից ոչ մի անհրաժեշտություն չկա միավորելու Անդրկովկասի խորհրդային հանրապետությունները, որովհետև երկրամասի տնտեսական կառուցվածքը նույնն է, իսկ եթե տնտեսության հիմնական ճյուղերը նման են, ապա ինչու այդ դեպքում կատարել միավորում, այլ ոչ թե բոլոնել, որ նրանք որպես առանձին միավորներ ուղղակիորեն կապվեն խորհրդային Ռուսաստանի հետ[22]:

Սակայն պետք է նշել, որ երեք հանրապետությունների տնտեսական սերտ փոխ-

## ՄԵՄՐՈԴ ՄԱՆՏՈՎ ՀԱՍԱՍՏԱՐԱՆԻ ԼՐԱՏՈՒ 2015

հարաբերությունների ապացույց էին միասնական երկաթուղին, Բաքու-Բաթում նավթամուղը, Բաթումի նավահանգիստը, Հայաստանով՝ Պարսկաստան գնացող առևտորական ճանապարհը, ընդհանուր արոտավայրերը, ջրերը, անտառները և այլն: Հայաստանը և Աղրբեջանը միշտ զգացել են Վրաստանի նավահանգիստների կարիքը, իսկ Աղրբեջանը՝ Հայաստանի արոտավայրերի, ջրերի և անտառների կարիքը: Աղրբեջանը չէր կարող զարգացած անասնապահություն ունենալ առանց Հայաստանի արոտավայրերի, իսկ Հայաստանը և Վրաստանը չէին կարող զարգացնել իրենց տնտեսությունը առանց Աղրբեջանի նավթի:

Տնտեսական ոլորտում անդրկովկասյան երեք հանրապետությունների համագործակցությունը որոշակի առումով լուծում էր նաև քաղաքական խնդիրներ, քանի որ թուլացնում էր երեք ժողովուրդների միջև առկա ազգային հակասությունները, ինչը միմիայն դրական գնահատականի է արժանի: Ի պատճին Մոդամական կողմնակիցների՝ Կիրովը, անդրադառնալով հատկապես հայ-աղրբեջանական հարաբերություններին, նշում էր, որ տնտեսական համագործակցությունը կմեղմացներ երկու ժողովուրդների միջև առկա լարվածությունը:

Անփոփելով տնտեսական և կուսակցական խորհրդակցությունների արդյունքները և իրավիճակը՝ Կովկասյան բյուրոն որոշեց ստեղծել Անդրկովկասյան հանրապետությունների տնտեսական բյուրո, որը Անդրկովկասի մասշտաբով տնտեսության ոլորտում պետք է խաղար այն դերը, ինչ կուսակցական և ընդհանուր բնագավառում խաղում էր Կովկասյան բյուրոն: Այս որոշումը հավանություն ստացավ ՌԿ(Բ)Կ Կենտկոմի Քաղբյուրոյի 1921 թ. օգոստոսի 24-ի նիստում: Անդրկովկասի միավորման գործնականացում կարևոր նշանակություն ունեցավ 1921 թ. նոյեմբերի 3-ին Բաքվում կայացած ՌԿ(Բ)Կ Կովկասյան բյուրոյի պետումը: Նրան մասնակցում էր երեք հանրապետությունների կուսակցական ակտիվը: Պետական մասնակցում էր նաև ՌԿ(Բ)Կ Կենտկոմի քաղաքուղար Վ. Մոլոտովը: Այստեղ Անդրկովկասի հանրապետությունների մասին գեկուց ներկայացրեց Շ. Էլավիան: Նա և Ալ. Մյասնիկյանը պետական ներկայացրին մի քանածեն, համաձայն որի «անդրկովկասյան հանրապետությունների անջատ քաղաքական գոյությունը նրանց թուլացնում է կապիտալիստական երկրների առջև, և նրանց քաղաքական սերտ միությունը կծառայի ամուր երաշխիք արտաքին հակահեղափոխական ուժերի կողմից հարձակման դեպքում, և արդյունքում Մերձավոր Արևելքում խորհրդական իշխանությունը կամրապնդվի»[23]: Այդ պետական որոշվում է ստեղծել երկրամասի վարչաքաղաքական կենտրոնական մարմին՝ Սիուրենական խորհուրդ: Դրա համար ստեղծվեց հատուկ հանձնաժողով, որի նախագահ նշանակվեց Շ. Էլավիան: Անդամներ դարձան Լեզգանք, Լուկաշինք, Եգորովը և Էֆենդիկլը[24]: Այստեղ որոշում ընդունվեց նաև Վերացնել Անդրկովկասի հանրապետությունների միջև գործող դիվանագիտական ներկայացուցությունները:

1922 թ. մարտի 27-ին տեղի է ունենում Անդրբեջերացիայի Դաշնակցային խորհրդի անդամնիկ նիստը: Նիստը նախագահում է Ալ. Մյասնիկյանը: Հաստատվում է խորհրդի նախագահության ընթացակարգը, համաձայն որի՝ նախագահության անդամներից յուրաքանչյուրը, ով համապատասխանաբար ներկայացնում էր անդրկովկասյան հանրապետություններից մեկը, նախագահելու էր 4 ամիս ժամկետով: Հուլիսի 5-ին լրանում է Մյասնիկյանի նախագահության ժամկետը և դաշնային խորհրդի որոշմամբ հուլիսի 6-ից Խորհրդական նախագահում է Ն. Նարիմանովը: Դեկտեմբերի 4-ին նրան փոխարինում է Շ. Էլավիան, որը նախագահում է մինչև 1923 թ. հունվարը, այսինքն՝ մինչև Դաշնակցային խորհրդի գոյության ավարտը[25]:

1922 թ. հուլիսի 4-ին Դաշնակցային խորհրդական ժամանակաշրջանում է Բարձրագույն

## ՄԵՄՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2015

տնտեսական խորհուրդ (ԲՏԽ), որի ղեկավար է նշանակվում Ալ. Մյասնիկյանը, իսկ տեղականներ՝ Հաջինսկին և Թորոշելիին: Անդրբներացիայի 10 ժողովուներից 4-ը անդրբնեցանցիններ էին, 3-ական հայեր և Վրացիններ: Միացյալ ժողովունատներ ծևակորելիս առաջնորդվում են հետևյալ սկզբունքով. պարտադիր կերպով ժողովուն և նրա տեղակալը չեն կարող լինել նույն հանրապետությունից[26]:

Ինչ վերաբերում է Անդրկովկասի խորհրդային Ֆեդերատիվ Սոցիալիստական Հանրապետությանը, ապա Վերջինս 1922 թ. դեկտեմբերի 30-ին մտավ ԽՍՀՄ-ի կազմի մեջ՝ դարձնալով նրա հիմնադիր հանրապետություններից մեկը: ԱԽՖՍՀ-ն իր գոյությունը ԽՍՀՄ-ի կազմում պահպանեց մինչև 1936 թ.:

Պետք է նշել, որ, չնայած դժվարություններին, Հայաստանի իշխանությունները ամեն ջանք գործադրում էին Վրաստանի հետ քաղաքական և տնտեսական հարաբերություններ հաստատելու ուղղությամբ, ինչը տվեց իր ցանկալի արդյունքը՝ Հայաստանն անհրաժեշտ ապրանքներով ապահովելու համար:

### ԾԱՆՈԹԱԳՐՈՒԹՅՈՒՆՆԵՐ

1. Սարդարյան Կ., Հայ-Վրացական հարաբերությունները 1918-1921թթ., Եր., 2002, էջ 8:
2. Նոյն տեղում, էջ 106:
3. Գալոյան Գ., Հայաստանը և մեծ տերությունները 1917-1923թթ., Եր., 1999, էջ 146:
4. Ղազախեցյան Վլ. Հայաստանը 1920-1940թթ., Եր., 2006, էջ 126:
5. Սարդարյան Կ., Հայ-Վրացական հարաբերությունները 1918-1921թթ., էջ 197:
6. ՀԱԱ (Հայաստանի ազգային արխիվ), ֆ.114, գ.2, գ.49, թ.2:
7. «Աշխատավոր», Ն 3, 5 հունվարի, 1921թ:
8. ՀԱԱ, ֆ.114, գ.2, գ.61, թ.11:
9. Նոյն տեղում, թ. 16:
- 10.ՀԱԱ, ֆ.114, գ.1, գ.42, թ.29, տես նաև նույն տեղում, գ.44, թ.32:
- 11.Տես նոյն տեղում, գ.83, թ.13:
- 12.ՀԱԱ, ֆ.114, գ.1, գ.42, թ.107:
- 13.Նոյն տեղում, գ.258, թ.3-5:
- 14.Խարմանդարյան Ս. Լենին և становление Закавказской федерации (1921-1923гг.), Ер., 1969, стр. 126
- 15.Զոհրաբյան Է. Ա., Անդրկովկայայն հանրապետությունների արտաքին առևտորի միավորնան պատմությունից (1921 թ. ապրիլ-1922 թ. մարտ), Բանբեր Երևանի Համալսարանի, N 3 (51), Եր., 1983, էջ 187:
- 16.Տես ՀԱԱ, ֆ. 366, գ. 1, գ. 5, թ. 20:
- 17.Տես ՀԱԱ, ֆ. 366, գ. 1, գ. 5, թ. 80:
- 18.ՀԱԱ, ֆ. 366, գ. 1, գ. 5, թ. 210:
- 19.Տես ՀԱԱ, ֆ.115, գ.1, գ. 83, թ. 7:
- 20.Տես ՀԱԱ ֆ.113, գ. 3, գ. 4, թ.13-16:
- 21.«Խորհրդային Հայաստան», Ն 156, 25 օգոստոսի, 1921:
- 22.Վարդգեսյան Գ. Հ., Անդրկովկայայն հանրապետությունների համագործակցությունը 1921-1923թթ., Լրաբեր հասարակական գիտությունների, N 6, Եր., 1965, էջ 6:
- 23.«Խորհրդային Հայաստան», Ն 223, 16 նոյեմբերի, 1921:

## **ՄԵՐՐՈԴ ՄԱՀԾՏՈՑ ՀԱՍԱՍԱՐԱՆԻ ԻՌԱԾՈՒ 2015**

24.Նոյն տեղում:

25.Խարմանդարյան Ս. Յ., Ուкрепление Закавказской Федерации в 1922г., Լրաբեր հասարակական գիտությունների, N8, Եր., 1969, էջ17:

26.Նոյն տեղում:

### **ԱՄՓՈՓԱԳԻՐ**

#### **Հայ-Վրացական հարաբերությունները 1921-1922թթ. Գրիգոր Բալասանյան**

1918թ. մայիսի 26-ին Անդրկովկասյան Սեյմը լուծարվեց, և մայիսի 28-ին Հայաստանը հռչակվեց անկախ պետություն: Հայաստանի հանրապետության արտաքին քաղաքականության առաջնահերթ խնդիրներից մեկն էր բարելավել հարաբերությունները հարևանների հետ: Ինչևէ, գոյություն ունեին տարածքային խնդիրներ հարևանների հետ՝ այդ թվում Վրաստանի հետ: 1920թ. դեկտեմբերի 2-ին Հայաստանում հաստատվեցին խորհրդային կարգեր, և տարածքային խնդիրները փոխանցվեցին խորհրդային Հայաստանին: Խորհրդային նախարարությունը պահպանում էր պատասխանատվությունը պահպանության համար: Բացի քաղաքական հարաբերություններից, 1921-1922թթ. գոյություն ունեին ակտիվ առևտուր և տնտեսական հարաբերություններ: Բաթումի նավահանգիստը անփոխարինելի նշանակություն ուներ Հայաստանի տնտեսության և տնտեսական զարգացման համար:

**Բանալի բառեր՝ Հայաստան, Վրաստան, հարաբերություններ, Խորհրդային Ռուսաստան, Լոռի, առևտուրատնտեսական կապեր**

### **РЕЗЮМЕ**

#### **Армяно-грузинские отношения 1921-1922гг.**

**Григор Баласанян**

26-го мая 1918 года Закавказский Сейм распался, а 28-го мая Армения объявила о своей независимости. Одной из наиважнейших задач внешней политики Республики Армения стало урегулирование отношений с соседями. У Армении имелись территориальные проблемы с соседями. Грузия не была исключением. 2-го декабря 1920 года в Армении установилась Советская власть, и территориальные проблемы были переданы Советской Армении. Советизация создала благоприятные условия для мирного урегулирования проблемы нейтральной зоны Лори. Кроме политических отношений, в 1921-1922 гг. между государствами имелись активные экономические отношения, велась активная торговля. Порт Батуми имел незаменимое значение для экономики и экономического развития Армении.

**Ключевые слова:** Армения, Грузия, отношения, Советская Россия, Лори, торгово-экономические связи.

SUMMARY

Armenian-Georgian Relations in 1921-1922

Grigor Balasanyan

On 26 May 1918 the Transcaucasian Seimas was dissolved and on May 28 Armenia was declared an independent republic. One of the most important issues of foreign policy of the Republic of Armenia was the normalization of relations with neighbors. However, there were territorial disputes with neighbors, including Georgia. On 2 December 1920 Armenia was declared a soviet republic and the territorial disputes passed to the Soviet Armenia. The sovietization created favorable conditions for peaceful resolution of the issue of Lori's neutral zone. Besides political relationships, active trade and economic relations existed in 1921-1922. The port of Batumi was of utmost importance for Armenia's economy and necessary for economic development.

**Keywords:** Armenia, Georgia, relations, The Soviet Russia, Lori, trade and economic ties.